

إبراهيم بصلّة

# أوجاع العاشقين

شعر

صدرت الطبعة الأولى فى فبراير 2021



إبراهيم بصلّة

## بطاقة الكتاب

أوجاع العاشقين	عنوان المؤلف
إبراهيم بصلة	المؤلف
شعر	التصنيف
2021 - 5091	رقم الإيداع القانوني
978-977-6835-87-0	الترقيم الدولي
720 الطبعة الأولى يناير 2021	رقم الإصدار الداخلي
98 صفحة	عدد الصفحات
مؤسسة النيل والفرات	تصميم الغلاف

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الإقتباس منه أو نشره على النت الا بموافقة كتابية وموثقة من المؤلف

### مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

**ناجى عبد المنعم**



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

النيل والفرات [nagyegy200064@gmail.com](mailto:nagyegy200064@gmail.com)

[alnilwaalfourat.com](http://alnilwaalfourat.com) [alnilwaalfourat@gmail.com](mailto:alnilwaalfourat@gmail.com)

المقر الرئيسي: ج.م.ع محافظة الشرقية - العاشر من رمضان - مجاورة 13 - امام سنتر الـ13 - عقار 304

## بصمة جديدة على حائط الشعر

الشاعر إبراهيم بصلّة .. شاعر مرهف الحس ، خرج من رحم المعاناة حاملا على كتفيه إشكاليات جيل بأكمله ، يتأمل ، ويرصد ، ويكتب ، بما يراه - هو - مناسباً للتفاعل مع الأحداث دون التقيد بخصائص الكتابة غير متخل عن الموسيقى الداخلية للنص وهارموني التوافق في البناء الدرامي التصاعدي للنص ، فهو له رؤيته الخاصة التي ينشد من ورائها الوصول إلى الهدف من أقصر الطرق !! وبأيسر الوسائل ، فأصبح له بصمة خاصة جدا يستخدمها في كل نصوصه الإبداعية تعتمد على العقل المفكر والقلب النابض والأسلوب المباشر البسيط للغاية ليصل به إلى عامة الشعب والمتلقى العادي

**ناجى عبد المنعم**

# الإهداء

إلي :

كل من علمني حرفا

أسرتي وروح والدي

وروح أستاذي الفاضل / السيد حنيجل الذي تمنى لي يوما

أن أكون أديبا , وآمل أن أكون قد حققت أمنيته

سهر الليالي ونجوى الحبيب وكل من حرك نبض القلب

وجعله يهتف للحب دوما

**الشاعر ابراهيم ابراهيم بصله**

# شكرا يا حبيبي

شكرا يا حبيبي ع اللي عملته  
مش هو دا القلب اللي سكنته  
مش حقولك ليه بتظلم  
معقوله بالرخيص بعته وخنثه  
طب قوللي  
إزاي فكرت تهجر  
طب قوللي  
إزاي القلب يغفر  
طب قوللي  
إزاي يقدر يسامح  
معقوله ف لحظة  
بالسهل تغدر  
وتبيع كل اللي بيننا وكان

وتضيع كل  
بحور الشوق والحنان  
تاخذ  
م الدنيا الفرح والأمان  
تظلم  
ويانا حتي الزمان  
إوعي تقول دا قدر مكتوب  
احنا اللي بنظلم ويانا القلوب  
القدر  
بنسميه قدر ونصيب  
حتي شمس الضحي  
بنقول عنها غروب  
أنا مش حلومك انت  
وحلوم قلبي  
ماهو من لحظة لقاك

سلم لك أمري  
وبقيت تأمر وتنهى فيه  
خلاك فرشت الحزن ف دربي  
مش حسامح  
وقلبي عمره ما يوم يغفر  
قد ما إداك حب  
إديته غدر أكثر  
بكره تندم  
ع اللي جري منك  
والذكريات عمرها ليك ما تنصر

# عتاب

أسف يا حبيبي

مقبّلش منك إهانة

أسف يا حبيبي

الحب هو الكرامة

وانت عارف قد إيه شوقي ليك

عمري ف حبك ما أعرف ندامه

واسمحي

أقولك ع اللي جوايا

يعني إيه تنسي ميعادك ويايا

معتقوله الطريق مفكر كمش بيه

ولا انت بتبقي

معايا ومش ويايا

هو دا اللي اتفقنا عليه

دا انت لوسألت القمر يحكيه  
مش برده كان شاهد علينا  
و النجوم  
ساعتها كانت بتناجيه  
تقدر تقوللي وتحكي لي إيه أخرك  
مش هوه دا حبي اللي ياما سهرك  
ولا انت من حبي الشبع جالك  
عايز ميعادي  
حد بيه يبقي يفكرك  
مش حقبل منك تاني أي اعتذار  
أنا شوقي ليك  
مبيعرفش أي انتظار  
خلينا كدا علي طول أحباب  
مش بهدد  
بس دا هوه القرار

# يا نبض القلب

واعمل وياك ايه  
يا نبض القلب  
مش كنت ودعت موال الحب  
وانت اللي قلت  
نفارق وياه الشارع والدرب  
لجل ما ف يوم نرجع له ثاني  
ولانقول ونعيد عنه أغاني  
ونخلي النجوم وياتنا تسهر  
ونصحي جوانا تاني الأمانى  
بستان الشوق نحبيه ونخضره  
زهر اللقا نسقيه ونفكره  
والذكريات الحزينة ننساها وندفنها  
قوللي واخذ قلبي

تاني ليه ومجرجره  
وابترميه تاني ف طريق  
العشاق  
اللي منه كان انتهي منه وفاق  
ودع السهر  
الليالي وقسوة الفراق  
قفل وياها كمان  
صفحة الأشواق  
يا نبض قلبي كفاياك جرجره فيه  
يانبض قلبي  
كفاياك بهدله ليه  
هوه انت  
متعبتش م اللي فات  
لساك عايز تجرب  
وتوهب أسيه

واخذني لطريق  
مش عارف نهايته  
ولحبيب مش عارف حنانه من قساوته  
خليني كدا  
بحالي زي ما أنا  
القلب مرتاح وراضي بهداوته  
طب حطاوعك  
ومش حقولك لأ  
بس قوللي  
كلمة واحدة وتبقي حق  
راح تقدر تحميني  
من غدر الحبيب  
لوراح  
يوم لطريق الغدر شق

# عايز تفارق

عايز تفارق يا حبيبي فارق

قطع السكك

م الغرب للمشارك

وان عرفت اني لسه بعشقتك

علق لقلبي كمان المشانق

إوعي ف يوم

من عمرك تبكي عليه

أوتسال

نفسك مرة عمك إيه

وانا عمري ف يوم ماحلومك

ماهو هو دا قلبي

اللي انت ساكن فيه

وحلفت لك

ماحد غيرك يدخله  
وقلت لك  
أوهب لك عمري  
من اوله  
عمر العشاق  
ياحبيبي مش بالسنين  
بالحبيب اللي يدي القلب  
ويعرف يسكنه  
فاكر لحظة لقانا  
ساعة العصري  
لما قلنا  
علي حبنا لازم نداري  
لجل ما يعيش  
ويانا العمر كله  
ودابت ورودك

في حزن أزهاري  
خليك فاكر  
دا قرارك مش قراري  
أنا عمري  
ما جفف يوم أنهاري  
نبض قلبي  
ويا شوقي أنا حتر فيه  
حديه لحبك  
وبشموعه حكمل مشواري  
لو حتي قطعت كل الشراع  
ولا اديت  
قلبي لدنيا الضياع  
علي العهد حفصل باقي  
مش حختار  
الفرقه والوداع

روحي ويا روحك  
راح تفضل تتقابل  
خليها بعيد الاجساد أنا قابل  
لتو تقدر  
تتحكم في الروح  
ابقي امنعها  
روحي لروحك ما تقابل  
زى مانت عايز  
جفف أنهارك  
ماهو القرار  
في الآخر بقي قرارك  
قطع القلوب  
واحرق معاها المراكب  
خلي المشاعر  
تبقي من أنصارك

دوس بقلبك  
ع الحب اللي كان  
ضيع الشطوط  
ودمر بحور الحنان  
انسف  
وياها الليالي والذكريات  
وقولي إزاي  
كل دا عليك هان  
معقوله تبقي  
كدا النهاية لحظة فراق  
معقوله تبقي كدا  
النهاية تندفن أشواق  
وتموت جوانا أحلي المشاعر  
وأفضل طول عمري  
ليك أشتاق

قوللي  
مين فينا اللي اختار  
مش لحظة لقانا  
كانت أقدار  
ومشينا معاها واحنا  
مش داريين  
ماحدش فينا كان واخذ قرار  
بقي بعد كل دا  
جي تقوللي وداع  
بعد ما كنا فاردين  
للحب الشراع  
ودبنا سوي وداب الحب فينا  
قوللي إزاي قلبك ليك إنصاع  
ياه علي قسوتك  
بقي هيه دي محبتك

ياہ علي قسوتك  
ہيہ دي آخرة سكتك  
ماكنتش أعرف إنك كدا ظالم  
والحزن ويا الألم  
في الاخره مہ هديتک  
إعذرنی من نار فراقك  
بحكي الي جويا  
إعذرنی من ناربعادك  
يصعب علي هويا  
قوللي إنت  
إزاي بعدك حعيش  
ماهو بكره الألم  
ويا الأسى يملا غنايا  
عارف غصب عنك  
بتقول نفترق

وندوس ع القلوب  
لجل غيرنا مايتحرق  
أنا وانت القدر كان لنا قاسي  
أجمل سنين  
العمر حتروح منا وتتسرق  
ليه يادنيا  
يتوه في السما نجمنا  
ليه يادنيا  
تبقي دي آخرة عشقنا  
طول عمرك كدا  
يادنيا العاشقين مالكيش أمان  
معقولة بقرارنا وبايدينا  
ينتهي حبنا  
لاكان بايدك  
ياحبيبي ولا بايدي

أيوه راح تفضل  
طول عمرک حبیبی  
ولا عمري ف يوم حجرک  
جو ف قلبي حتعيش تناهیدي  
طریق السلامة  
حبي بالأمل یرعاک  
طریق السلامة  
مقدرش ف يوم أنساک  
وازاي أقدر  
أنسی أول يوم لقاک  
طریق  
السلامة یمکن يوم ألقاک

# برافو عليك

وانت اللي  
كان حبك للقلب نشيد  
وانت اللي  
كان يوم اللقاء وياك عيد  
وف دنيا  
الهوي مشيت أغني  
أحلم وياك  
بالفرح والهنا والمواعيد  
واديتك قلبي  
وقلت لك اتحكم فيه  
واديتك نبضي  
وقلت لك اتهنا بيه  
العمر كله وهبتوك

وحلفت لك وياك حمشيه  
مين كان  
يصدق كل دا يطع منك  
مين كان يصدق الغدر يبقي ردك  
واتضيع  
حب الليالي والسنين  
بقا عهد الوفا  
مافكرك ولا صدك  
أه منك ومن مراري  
قد كدا عرفت تداري  
تديني غدر وخداع  
وتعيشني بيك انبهاري  
برافو عليك  
بالوهم عيشتني  
برافو عليك

بالكذب سجدتني  
وقلت لك  
الأمر أمرك يا حبيبي  
برافو عليك بالسرح فهمتني  
وعشت  
طول عمري أصدقك  
وفضلت  
طول عمري أعشقتك  
وأديك م الليالي فرحها  
وأكره اللي يفكر يوم يجرحك  
قوللي راح فين ضميرك  
ياللي كان قلبي مصيرك  
نبضه يروحلك ويجيالك  
قوللي  
مين توه دليلك

إوعي تقول غصب عنك  
ولا تقول مش غلطة منك  
ماهو حبي مبقاش يهمك  
مكنتش أعرف  
إنك كدا قاسي  
مكنتش أعرف أنك كدا ناسي  
وان العشرة عليك بتهون  
وف لحظة بتسيب المراسي  
قد كدا هان  
عليك الحب اللي كان  
قد كدا  
الزمان مالوش امان  
ونلوم ليه ع الزمان  
احنا اللي بنلف الغدر بحنان

# يا موج البحر

يا موج  
البحر قوللي وفهمني  
يا موج البحر  
قوللي وجاوبني  
هو الحبيب ليه مخاصمني  
ع الفراق ليه بيساومني  
مش كنا بنتقابل حداك  
نقعد نتسامر نستناك  
تيجي وتروح علينا  
نفرح  
ونغامر بلقائك  
صوابعي ولعتهاو شمع

ملالي هوه عيوني دمع  
قد كدا شايف دلالة  
عشان عاهدته  
ع الطاعة والسمع  
واديته قلبي  
من غير مافكر  
واديته عمري  
وشوقي وأكثر  
مش برده  
الحب أخذ وعطا  
ولا اللي يطول  
يبقي أشطر  
قوله ياموج البحر  
علي قلبي حدوس  
وإيدله من هوي العشاق دروس

مش كل العشاق  
بيشكوك همومهم  
قوله ان بحبي  
حيعيش محروس  
جو العين والنني أنا شايله  
عهد الوفا  
ليه أنا قايله  
لو خصامه عن كدا طال  
انا عمري ف يوم ما أحايله  
ويروح مطرح ما يروح  
يا ما الزمن  
بيداوي جروح  
كل اللي عندي قلته  
واللي عايز بيه أبوح

# إزاي أتوب

وبيقولولي  
عن هواكي أتوب  
ومين يقدر  
يتوب عن هوي المحبوب  
أمانه تقولي ياساعة لقانا  
حد يقدر  
يتوب عن قدر مكتوب  
كل لحظة  
وكل لمحة عشنا فيها  
كل همسة  
وكل غنوه دبنا بيها  
كل خطوة  
من لقانا كنا بناجيها

من عين الحسود كنا بنداريها  
كل دا إزاي  
أقدر عنه أتوب  
دا اللقا حافظاه كل الدروب  
معقوله كل دا يتنسي ويروح  
دا أنا بهـواه  
يا عاشقين مجدوب  
طب لمين راح  
تسهر النجوم  
طب لمين راح تضحك الغيوم  
وينزل المطر  
ويخضر للمحبة أرضها  
دا عشقي للحبيب  
ع الجبين مرسوم  
لو كان هـواه

معصية خلوني عاصي  
وتقولوا ولا ماتقولوا  
أنا ف هواه ماشي  
مزروع  
جوايا وبرايا طول العمر  
ساعة الغروب  
اول لقانا مانسياشي  
ساعة صفا كنا بنحياها  
ساعة دفا كنا بنترجاها  
نعيش معاها العمر  
الدنيا ساعتها بنساها  
قبل ماتقولوا إزاي أتوب  
دوروا  
وهاتولي صبر أيوب  
حتلاقوا فين صبر الأنبيا

دا الصبر  
بعدهم بقي مضروب  
مين يقدر  
يداوي جرح الحبيب غيره  
دا هوه اللي  
بيرسم للقلب حبه مصيره  
ولا حد يقدر يغيرم القدر  
يا قلبي  
عيش للحبيب والنبض إيدله  
دا هوه الروح والحياة  
والحب هدية من اللاه  
عشت كتير استناه  
وبحبه مش حعرف الآه

# خليك فاكر

مين كان يصدق  
ييجي يوم  
احنا الأحبة نفترق  
مين كان  
يصدق ييجي يوم  
وبشهد المحبة نحترق  
ونتوه جو الليالي  
الطويلة  
من غير وداع  
ونعيش  
الندا اللي ف بحر الفضا غرق  
الندا المليان أسي وأنين  
من حبيب أشكيه لمين

باع اللي  
كان والسنين  
وف لحظة بقينا متفرقين  
يالليالي الهوي  
قولي  
ايه اللي جري  
يانجوم السما قولي  
مين اللي افترى  
خدم الليالي  
فرحها والسنين  
اصرخ  
يا قلبي وقول كلمتك  
قول للحبيب  
علي فين سكتك  
علي فين سنين العمر مودياك

وإزاي في بعدي حتكون

دنياك

أنا مش هستناك ترجع تاني

ولا حفضل

أدور جو مواني

ولا عمري

حقول يازماني

بس ياريتك تقدر تنساني

تنسي النبض اللي اديته

تنسي

العهد اللي رميته

فوق شطوط الغدر

وف دنيا القسوة وديته

أوعي تقول :

دا غدر الزمان

ولا تقول ضاع  
م الدنيا الأمان  
لما ف يوم ترجع  
بعد ما يفوت الأوان  
خليك فاكر  
مين اللي بدا ومين اللي وخان

# خلينا أصحاب

مش قلت لك خرينا

أصحاب

لجل ماتفضل

علي طول أحباب

ونعيش

عمرنا من غير ألم

مايجيش يوم

عن بعضنا نبقى أغراب

والعوازل

ياخدونا ف دربهم

ونتوه بين قلنا وقال من فعلهم

ونعيش دنيا الهجر والبعد

دنيا العاشقين

تبعء عنا بحقءهم  
وحلفءلي مليون يميين  
راح نفضل دايماء عاشقين  
ونعيش سكارى بحبنا  
ونجوم  
السما وينا فرحانيين  
سلمء لك على طول  
أمري  
قلت لك يا حبيب عمري  
شوقي كله وعمري ليك  
بس اوعى يوم ءبقي سبب جمري  
وف دنيا الهوى سوي  
عشنا  
قلنا وحننا ويا ما شفنا  
أحلى ليالى العمر

زقزقة  
الامري كانت تونسنا  
وف لحظة من كلمتين  
من ناس مش ناس  
بالقدر ويا الفراق دقيت اجراس  
من غير ماتسأل عن سبب  
واللي كان بينا  
ف لحظة إن داس  
شمس الحقيقة  
عنا غابت  
الهمسة الرقيقة بفعنا شابت  
العند هوه اللي ساد  
كل العهود  
الجميلة باديها دابت

وكبرنا حتي ع العتاب  
من غير مانسأل نفسنا ليه  
كل دا يجري  
من كلمتين قالهم سفيه  
قد ما كانت حلوه البداية  
قد ما كانت قاسية النهاية  
ياريتنا فضلنا  
علي طول أصحاب  
وعيوننا ما نزلت منها دمعاية

# إوعى تخافى

إبعدي الخوف  
عن عيونك  
إبتعدي الخوف عن جفونك  
وحياة لقانا  
من غير ميعاد  
إزرعي  
الأمـل جـوه ظنـونك  
خلـي بـكره  
يـيجـي بـالـي جـواه  
مـانـت عـارـفـه سـره  
بـايـد اللـه

واحننا اتعاهدنا ع الوفا  
وحلفنا بالحب  
نتوه جواه  
حضن الدفا  
بالمحبة يملأ لقانا  
برد الشتا  
م الوفا يتوه حدانا  
خلي ابتسامتك  
ع الجبين مرسومة  
من بين حنايا القلب  
تيجي حدايا  
إوعي ف يوم  
تخافي وانت ويايا

قلبي اللي جوايا زي اللي برايا  
ضحكته بالأمل صافية  
خللي غناكي  
يدوب جوه غنايا  
خلينا نعيش عمرنا  
العمر دا لحظة  
خلينا نعيش فرحنا  
والدنيا دي شاهده  
درب المحبة نرسمه بايدينا  
عمر الصعاب  
من حبناف يوم متكون واخده  
وحياة شفائفك

اللي قالت دخلت القلب  
مش راح يبجي يوم  
من حبنا يتوه الدرب  
مدي ايدك  
عيشي بقي معايا الحب  
خلي زهور  
هوانا بالمحبة  
تناجي الرب  
خلينا بالأمانى الحلوه  
نعيش  
سيبي قلبك لحي متخافيش  
إرسمي  
بالأمل حيطان الزمن  
ع الحزن  
لحظة وداع مادوريش

بكره سوي بحبنا  
نملكه بايدينا  
ليه نخاف  
من لحظة فراق تبكينا  
عهد الوفا  
من غدر الزمن ينجينا  
رب الكون  
من عين الحسود يحمينا

# لقا ولا وداع؟!

ياحبيبي قوللي  
كان لقا دا ولا وداع  
طب وليه مفردتش  
حواليا الدراع  
خدتني لحظة جوه حضنك  
قلتلي جي أقولك :  
وداع  
وإزاي قلبي مكنش حاسس  
ولا هوه لجل حبك  
بالوتر ماسس  
توهني جوه اللقا  
من كتر شوقي  
اللي عمره ماكان خاسس

أتاريك  
كنت بتصورني  
طب كنت قوللي ونورني  
انك ع الفراق ناوي  
وابترميني  
ويا الذكريات وتسهرني  
أدور علي بكره اللي  
كنا بنحلم بيه  
وأمشي في الطريق  
اللي ياما مشينا فيه  
ألاقيه عليك ببسألني  
ويا كل خطوة أمشيها بيفكرني  
طب كنت قوللي  
وخليني أصورك  
ياه عليك

ياحبيبي ما أبخلك  
متسكتر عليه  
كمان صورتك  
مها تبعد  
حبي الكبير حيفكرك  
ودعت الورود  
ولا حتقول نسيت  
ومش حتفرق معاها  
رحت ولاجيت  
لا ياحبيبي  
تفرق معاها كثير  
مش هيه دي اللي  
من حبالها سقيت  
إوعاك تفكر من غيرك حموت  
بكره الليالي

تعدي وتفوت  
تعرف قد ايه حبي ومقداره  
واني رضيت لجل كدا بالسكوت  
قلت خليه ياقلبي  
يجرب  
مهما يشرق  
أو يغرب  
لاف يوم حياقي زيك  
ولا انتت ليه تاني  
راح تقرب

# دارى على شمعتك

قد كدا كلمة  
تزعلك  
قد كدا مقدرتش  
أفهمك  
طب كنت بص في عنيه  
هيه تقولك  
ايه عايز أوصلك  
قد ايه هيه غلاوتك  
قد ايه خايف نغمتك  
البلابل يتغنوا بيها  
والعوازل  
يحرموني من طعامتك  
مش بيقولوا

داري علي شمعتك  
لجل ماتفضل  
متنوره سكتك  
وبحور الهوي تاخذ وتدي  
ماحدش يعرف  
قد ايه تبقي محبتك  
طول عمري  
بخاف م الحساد  
طول عمري بخاف م البعاد  
من يوم ييجي  
عن بعضنا نبعده  
يرمينا سوا ف حزن  
السهاد  
دانا بعشق اليوم  
اللي اتقابلنا فيه

والقلب صار  
ملكك واترعبت فيه  
عايز العوازل  
يعرفوا ليه  
قد ايه الحب  
اللي بيننا وبنراعيه  
خلينا بعيد من غير عوازل  
برموشنا لبعضها بتغازل  
حضن الدفا يجمعنا سوا  
والشوق عمره مايكون نازل

# عنوان الوفا

البسمة كانت  
ع الشفايف علية  
الضحكة  
كانت جوه القلب دفيينة  
وعشنا كثير  
نحلم  
باليوم اللي يجينا  
علي شط بحر  
المحبة يرسينا  
يفرش الأمل ويدينا  
بالحب  
ياخدنا يقدر ينسينا  
وان كان الزمن يوم قسي

يزرع الحب  
من تاني في عينا  
وقابلتك  
وشفت في عيونك كتير  
وقابلتك  
وشفت في رموشك مصير  
وفا بحر  
هواك رميت شباكي  
رديت وقلت بحبك حعيش امير  
جوه عيونك  
شفت الأمل تاني  
من جديد  
فرحة وغبوة طفل بلبس العيد  
ضحكة منورة  
من غير تشريد

بسمه صافيه من غير تنهيد  
من فرحتي  
نجوم السما قالوا ابتدا عمري  
من لهفتي  
وحلفت لك راح تملكي أمري  
طول ما المحبة  
والوفا هما الأساس  
ياموا العيون  
الزاتوني  
والرموش الخمري  
ومشينا وedinنا ورحنا وجينا  
موج البحر  
من فرحته غني غناوينا  
زهر المحبته  
عطر بالوفا اسامينا

وف لحظة  
كأني مكنتش عايش  
كأني بنيت  
قصر بطوب بايش  
كل العهود  
ويا السكك متقطعة  
اللي افكرته مأسس  
طلع هايش  
أتاريني  
متعلمتش ازاي بيكون الخداع  
أتاريني مفهمتش  
إزاي الوفا بينباع  
وان الخيانة في سوقها بيتوه  
المخلصين  
كل اللي يعرف يخون

يفرد لها الشراع  
الاخلاص  
عمله بقت نادره  
في دنيا بالعهود غادره  
ورموش  
بتعرف تخون  
وعيون ع الخداع قادره  
اهدي يا قلبي  
ريحني وارتاح  
بيكفي يا قلبي  
آلام وجراح  
إنسي اللي بنيته وراح  
عنوان الوفا  
انتهي مبقاش متاح

# كان ليه؟!

كلمني  
حتي كلمة مش كلمتين  
خليها حتي همسة  
مش همستين  
معقولة ما انتش عارف  
قد إيه تتبقي غلاوتك  
طمني بس عنك  
خليها تنام العين  
أكثر من كدا يا حبيبي  
أنا مش عايز  
لونها واحدة منك  
أبقي فايز  
دا الثانية ياروحي ف قربك

تسعدني أكثر  
من أي جوايز  
إسأل عيوني  
تقولك ع اللي جوايا  
إسأل جفوني  
تقولك ع السهد  
وانت مش ويايا  
بناجي ويا النجوم صورتك  
طيفك وعيونك السود  
همه غنايا  
خليها جو الأناني  
موجوده هديتك  
بتملي فيها واحضن هلتك  
لو يوم نسيت  
تيجي في الميعاد

آهي حاجة منك تهديني  
طاعتك  
من غير ماتسأل وتقتول  
طب بعدين  
بكفاية تفضل  
جوه القلب ونن العين  
هيه كدا الريح  
ويا السفن ساعات  
زي الزمن لما يغير  
دنيا العاشقين  
وتعيش محبوسه جوانا الأشواق  
تاخذنا لبعيد  
ولدنيا الفراق  
قوللي أصعب من كدا إيه  
والسؤال

كان ليه اللقا يازقاق  
اللي بيننا قدر  
مالناش خلاص فيه  
هوه اللي جمعنا  
وخلانا نداريه  
مين يقدر يدخل جوه القلوب  
اللي انكتب جواها  
يشيله ويمحيه  
هيه كدا علي طول دنيا  
العاشقين  
قد ما بتقرب حبايب  
بتفرق مخلصين  
والحب الصادق جو القلوب محفور  
مهما تمر  
وتعدي يا حبيبي سنين

## قويلي إزاي؟!

قد الشوق  
اللي كان ساعة اللقا  
بيضمنا  
قد العشق  
اللي كان ساعة الصفا  
بيلفنا  
قد الخير  
اللي مالي حبات المطر  
قد الظهر  
اللي كان ساعة الرضا  
بيعزنا  
قد الأمل في عيون الولاد

اعذريني  
قد الأمل في عيون الصبايا  
سامحيني  
أيوه كنت يومي وبكره  
اللي بحلم بيه  
غصب عني جيت أقولك  
إنسيني  
ومش قسوة مني  
ولا قلب جامد  
ولا شجاعة  
ولا عمري لقلبي  
أعرف أعاند  
ولا براعة  
شوقنا وحبنا  
نسانا حاجات كتير

عيشنا  
لحظة أمل كانت كثير  
خداعة  
ماهو كان مكتوب علينا  
واحنا عارفين  
ماهو كان قدام عيننا  
واحنا شايفين  
طب يعمل ايه نبض القلوب  
ويا القدر  
ودانا طريق عملنا  
نفسنا فيه ناسيين  
قوليلي ازاي  
يبقى طريقك هوه طريقي  
قوليلي ازاي  
يبقى مصيرك هوه مصيري

الأمل خدنا وتوهنا  
وراح لبعيد  
تسقينني من كاسك  
وأسقيكي من أبريقي  
وقلت لك حبنا لبعضنا  
راح يظلم  
وقلت لك حبنا  
مش حيلافي مين يفهم  
حيقولوا عنه  
كلام كتير وحكاوي  
وقلت لك  
صعب علينا نخليه  
م الأذي يسلم  
طب قوليلي انت ازاي  
وأنا حطاوعك

طب قوليلي انت ازاي  
ومش حقاومك  
معقولة  
ياحببتي الخريف  
يرجع يوم ربيع  
إسالي الزهور والبلابل  
وافتحى مسامعك  
واوعى ف يوم تظلميني  
وتقولي خان  
عمري ماحنسى اللي  
كان بيننا وكان  
ولا وجه للزمن  
أي كلمة أو أي اتهام  
رغم ان عارف بعدنا  
راح يزرع م الألم بستان

مش كل اللي عايزينه  
من دنيانا بناخده  
وآدي دي انت شايفه الحياه  
وعليها شاهده  
لاف يوم خلت  
قيس اتهنى بليلى  
حتي عنتر ويا عبلة  
كانت ليهم مناوده

# سنين عمرى

قولى وجاوب وارفع راسك  
بص فى عنيه  
قولى وجاوب  
راحت فىن  
هيه سنين الحنيه  
ونجومنا ويا القمر  
عاشقه فىنا الملاغية  
بستان الحب  
الى انزع باديك وايدى  
بقي هوه دا يبقي الوفا  
بقي هوه دا حزن الدفا  
مش هوه أنا زينة النسا

والكلام مني  
كان هو الشفا  
ولا نسيت خلاص كلامك  
ومعاه رقة أنغامك  
وآه وألف اه من أحلامك  
م الليالي الحلوه  
اللي عشتها وياك  
وازاي زمانك نساك  
وف لحظة ضيعت هواك  
ومعاها سنين عمري  
أمري فيها ماكان أمري  
أمرك انت  
ياحبيب عمري  
قصدي ياللي كنت  
حبيب عمري

وكنت الغنا والأماني  
وفرحة لياليا وأيامي  
نبض العمر وسنينه  
وضلي وشمسي وعنواني  
بكره اللي بحلم  
أعيشه معاك  
بزهور عايشة معايا بتستناك  
وف كل يوم تسأل عنك  
وأتاريك تهت هناك  
وأنا لسه بستني جوه المواني  
وعايشة بحلم بالأماني  
بيوم اللقا  
بالدفا جوه أحضاني  
وأه ياقسوة زماني  
بقي بعد كل دا العشرة تهون

قولي عرفت ازاي تخون  
وازاي أصدق دا جنون  
مش هوه انت  
اللي تخون  
ولا أقولك  
ماحناف زمان  
مش هوه الزمان  
الأصل بقي هوه النسيان  
والناس مش هيه الناس  
حتي القمر  
مش زي زمان وناس  
راح فين الاخلاص  
القلب المليان احساس  
يامضيع مني سكتي  
ياواخذ كل فرحتي

وانت اللي كنت كل دنـيـتي  
او عي تكون فاكر  
أو لسه بتحلم وتذاكر  
حفضل عمري استناك  
وانت للوفا ناكر  
واني حعيش باقي العمر  
أبكي عليك  
البكاع اللحظة  
اللي لمسة ايدي فيها ايديك  
ومشيت وياك  
سنيين من عمري  
الوفا عنواني  
والقلب كان ليك

## لسه بتعلم

راجع تاني ليه ياقلبي تعلم  
مش قلنا مش راح تسلم  
زمنك عدي وفوات  
بس انت مش عايز تفهم  
موج البحر بقي عالي عليك  
شوقك دا لفين موديك  
لسه بتعلم بضي القمر  
وان الحبيب يسهر يناجيك  
لما يسافر الربيع

بيسيب الأرض مشققة

والطيور مبتعرف بعده

معني الزقزقة

بستان العمر بيصيه البور

بس سنين العمر

تفضل باوتاره متعلقه

هوه فين الحب دا قولي

تاعبني بشوقك تاملني

العيون مش هيه العيون

السحر اللي فيها ترالي

لساك بدور ع الاحساس

خلى الزمن يرجع والناس

قول لعيون الأحبه

تزرع حلها اخلاص

قول لنبض الحب

يرحم وجع القلوب

قول لشمس العمر

متروحش للغروب

امنح الليل مايطول ع العشاق

وازرع جواهرهم

صبر أيوب

قول لموج البحر

مايشلش الأمانى

قول لعود الورد

مايجرحش البستاني

قول لهم

ينسى المجروحين

هاتلى حبيب ما يكونش انانى

# القَمِيصُ الكاروهات

لساه القميص الكاروهات

بيحس بنبض قلبي والآهات

لساه بيحكي ع الذكريات

فاكره أول يوم أيسه

لما قلنا الونيس

ليه بيسيب ونيسه

لسه بيفكرني بيها

كان أجمل يوم أعيشه

حتي عطرك اللي حطاتيه

لسه حافظ ريحته فيه  
كل يوم مليون سؤال  
هوه اللي جري جري ليه  
مين اللي كان السبب  
الحب في القلب ولاذهب  
قسوة هيه ولا لعبة الأيام  
ولا دا هوه القدر وانكتب  
الوانه راخره بتتكرم  
وبتسانني كتير وبتتالم  
من كتر الوجع فيها  
البعد في القلب علم

آه يا أسعد الأوقات  
قولي أنت للكاروهات  
خليها ريحة احضاننا  
مهما الزمن عدي وفات  
يمكن نرجع  
نوصل الي ما مات

# جيت أقولك وداع

لملمت الباقي ف أحلامي  
واتنسمت أحلي أنسامي  
ودعت السهد وأيامه  
وانسيت قسوة أيامي  
لما قرئت في عيونك فرحتي  
قلت راح تبقي انت كل دنيتي  
وف عز الرعد ستري وفرشتي  
وسط الزحمه موالي وغنوتي  
ومشيت وياكي ف ضي القمر

والضحك من قلبي وقلبك انهمر

قلنا كثير وارسينا

غار منا الليل ويا السمر

حطينا الايد في الايد

وحلفنا لشمعنا نقيد

وبعهد الوفا نعيش

بالصدق تبقي المواعيد

اتاري مش كل العيون بريئة

ولاكل نظره بالظنون حقيقة

والكل ياما بيداري كثير

وهيه دي أصل الخطيئة

مليون آه ياقلبي وخسارة  
ع الورد وحسنه والنضاره  
بستان الهوي المتذوق  
اللي كان مسقي بشطاره  
ورقه كان نشوان  
وقلبه كان دبلان  
خدعني بمنظره الفتان  
وتوهني جوه البستان  
وف لحظه وداني دنيا الوجع  
قاللي فوق واصحي ياجدع  
لملم الباقي ف دنيتك

بكفاية أوهام ويا الودع  
وجيت أقولك متفتحيش الباب  
الحب ياحلوه خلاص غاب  
واختفي من قلبي اللي كان داب  
اللي كان بيفتكر  
حتي في المحراب  
أيوه جيت أقولك وداع  
جيت أقولك القلب باع  
القلب العاصي انصاع  
واقف مفروود الدراع  
مش كنت قدامك بنحني

والكلمة منى كانت بتهزنى

فاتح ويا الامل مشاوير

النظره فى عيونك بتهذنى

كنت فاكرك

ملاك وهديه م السما

حبك فى قلبى اتولد وكبر لما نما

وياريتته مانما ولاعرفته أنا

وحلمت منه بفرح ويا الهنا

وأناعايزك تعذريني

واوعى ياحلوه تلوميني

كل حاجة باينه زي البدر

وتسمى هجري وبعدي غدر  
وانت عايزه الصراحه  
مش قسوة مني أو بجاحه  
طول عمرك وانت لماحه  
اللي بينا راح للنداهه  
سمي بعدي زي ما تسميه  
دمعك ان نزل اوعي تحوشيه  
وتقولي دا حياثر فيه  
وتعيشي بحلم ترجعيه  
بعد مانشلتك من قلبي  
واما افتكرك بفتكر غلبي

واسال نفسي كثير  
ازاي دخلتك دربي  
عهد الوفا عمره مايبتكرر  
والحب الصادق مايبتبرر  
والحلو مايحلا لما يمرر  
والشمس بتطلع لجل تنور  
ياللي خدعتني عنيني  
دبلي بستانك باديتكي  
والقلب اللي كان آويكي  
جي بيقولك ان نسيكي  
بعد ماانزالت

عن عيوني الغشاوة  
وعرفت المظهر  
اللي كان آخر حلاوة  
وان الزمن  
معرفش يداري  
الكذب اللي  
كان متنقي آخر نقاوه

# يا عقد الفل

يا عقد الفل قولي  
لمين أهديك  
من عشق اللي حبيته فيك  
الياسمين  
كان دايمًا بيناجيك  
كل الزهور  
تتمني تقرب ليك  
لما راحوا الحبايب  
ما حدش بقي يسأل فيك  
والزمن  
صار كمان ناسيك

# مش قلت لك

وف سكة هواك

يا قلبي مين اللي راماك

وف موج أساك

يانبضي مين اللي وداك

جوه بحور الشوك دايمًا ترميني

تاخذني وياك لبعيد

تسقينني نار أساك

مش قلت لك

القمردا مش قمرنا

بلاش نناجيه

مش قلت لك الطريق دا

مش طريقنا بلاش نمشيه

جي بتلومني تاني ليه

الجرح جرحك

عيش انت فيه

# الشك والحيرة

حتقول ايه كل الكلام قلناه

حتقول ايه كل الكلام عدناه

وحرروف عتابنا

نجومنا في السما حافظاه

بترجاك خلي القلب

ينسي أساه

ياما قلت لك انت الوحيد

وحلفتك مافي بعدك حبيب

وف كل لقا كنت أزيد وأعيد

أترجاك لجل تداري  
علي شمعتك تقيـد  
وانت ولا انت هنا  
خليتني مش أنا  
ضيعت معني الهنا  
الثانية ف قريك صارت سنا  
معرفةش معني الوفا  
معرفةش معني الدفا  
وان الحنان هو الشفا  
وجريت ع الشك والحيرة  
ومشيت في السكة الطويلة

اللي لاليها أول ولا آخر  
ونسيت عهدنا الأصيلة  
مع السلامة طريقك  
مش طريقي  
مكنش حبك ليه حقيقي  
أنا عنواني الوفا  
مع الندامة اشرب حبيبي

# الشاعر في سطور



- من مواليد قرية مليج مركز شبين الكوم .
- حاصل علي بكالوريوس من جامعة الزقازيق.
- عمل أخصائي متابعة ومفتش مالي وإداري بديوان عام محافظة المنوفية .
- كما عمل مدير عام لإدارة الأزمات والكوارث بمحافظة المنوفية.
- كما كان عضو اللجنة القومية لإدارة الأزمات والكوارث ممثلاً لمحافظة المنوفية .

- وخلال سنوات الدراسة كان أمين عام اتحاد طلاب محافظة المنوفية وعضو اتحاد طلاب الجمهورية .
- صدر للشاعر ديوان إزرع حب عن دار الرؤية للنشر والتوزيع تحت رقم 2011/9354 بدار الكتب والوثائق المصرية والترقيم الدولي 2011/5123 في 2011/5/17
- كما صدر للشاعر ديوان ترانيم في حب الوطن عن دار النيل والفرات للنشر والتوزيع تحت رقم 2019/25876 بدار الكتب والوثائق المصرية والترقيم الدولي 5-18-6771-977-978 ونشرت بعض قصائد هذا الديوان بجريدة المنوفية وجريدة المصري اليوم , وأذيعت بعض قصائده بإذاعة الشباب والرياضة وصوت الدلتا .
- كما صدر للشاعر ديوان كورونا وباء العصر عن دار النيل والفرات للنشر والتوزيع تحت رقم 22332 ديسمبر 2020 بدار الكتب والوثائق المصرية والترقيم الدولي 1-51-6835-977-978
- فاز الشاعر بلقب فارس الابداع العربي في المسابقة التي اقيمت لذلك علي مستوي الوطن العربي عن ديوان كورونا وباء العصر.

- الشاعر عضو رابطة الزجالين وكتاب الأغاني .
- الشاعر عضو نادي الأدب بمحافظة المنوفية.
- تم تكريم الشاعر من رابطة خريجي الجامعات.
- تم تكريم الشاعر من جريدة عيون مصرية.
- تم تكريم الشاعر من جمعية الشبان المسلمين بالمنوفية لمشاركة الفعالة في المناسبات الوطنية.
- تم تكريم الشاعر من الاتحاد الدولي للصحافة العربية لجهود في خدمة الوطن والأمة العربية.
- كما تم تكريم الشاعر من الإدارة التعليمية بشبين الكوم لجهوده في برامج التوجيه الجمعي
- للشاعر تحت الطبع:
- ديوان نفوس من البشر
- ديوان رسالة شهيد
- ديوان تجليات مع اسماء الله الحسني

# محتوى الكتاب

2	..... بطاقة الكتاب
3	..... بصمة جديدة على حائط الشعر
4	..... الإهداء
5	..... شكرا حبيبي
8	..... عتاب
10	..... يانبض القلب
13	..... عايز تفارق
22	..... برفاؤ عليك
26	..... ياموج البحر
29	..... إزاي أتوب
33	..... خليك فاكّر
37	..... خلينا أصحاب
41	..... إوعى تخافى

46	.....	لقا ولا وداع
50	.....	دارى على شمعتك
53	.....	عنوان الوفا
58	.....	كان ليه
62	.....	قولى لى إزاي
68	.....	سنين عمرى
73	.....	لسه بتحلم
77	.....	القميص الكاروهات
80	.....	جيت أقول لك وداع
88	.....	يا عقد الفل
89	.....	مش قلت لك
91	.....	الشك والحيرة
94	.....	الشاعر فى سطور
97	.....	محتوى الكتاب